



UNIVERSITÄTS-  
BIBLIOTHEK  
PADERBORN

# **Theologiæ Sacramentalis Scholasticæ Et Moralis Pars ...**

Ad Mentem Doctoris Subtilis Ioannis Duns Scoti D. Augustino conformen

In qua tractatur de Sacramentis in Genere, & duobus primis in specie

**Bosco, Jean a**

**Lovanii, 1665**

Lectori.

---

[urn:nbn:de:hbz:466:1-73340](https://nbn-resolving.org/urn:nbn:de:hbz:466:1-73340)



# LECTORI.



*Beatus Paulus Apostolus Corinthios exhortando ad imitationem eorum, qui in stadio currunt, inquit: Nescitis quod ij, qui in stadio currunt, omnes quidem currunt, sed unus accipit bravium? Et continuo artexit: Sic currite ut comprehendatis. Cucurri in stadio Theologiae Scholasticae & moralis viginti quatuor continuis annis, & cum manum meam extendo ut bravium accipiam, vix Theologi nomen mereor. Profecto verus Theologus non est, qui quamvis multa de Deo differat, corde tamen fixus in terra est.*

*1. Cor. 9. v. 24.*

*Quomodo ergo audeo calamum stringere, & suscipere provinciam typis scripta mandandi, cuiuslibet etiam subtilissimo & sanctissimo merito hodie formidanda? Haud equidem ignoro tam difficile esse omnium ingenijs & affectibus acceptum librum edere, quam omnium palato probatum condire cibum, aut omnium staturae & membris unam tantummodo accommodatam vestem concinnare.*

*Quid igitur? Stringo calamum non scribendi ardore, sed sincero animo & discreto zelo, iustitiae utique ac pietatis lege, vindicandi Doctorem Subtilem Scotum, Magistrum meum ac Invidiosissimum Theologorum Principem, vindicandi, inquam, a sententijs, quae falso ei imponuntur ab Adversarijs, quorum infinitus penè est numerus.*

*Nam etsi scriptum sit: Sagittae parvulorum factae sunt plagae eorum, & infirmatae sunt contra eos linguae eorum; placuit tamen eis in faciem resistere; siquidem in hoc Religione candor non inficitur, nec morum integritas violatur, cum Apostolus ad Galatas 2. sibi laudi vertat haec verba: Cum autem venisset Cephas Antiochiam, in faciem ei restiti, quia reprehensibilis erat.*

*Psal. 63. v. 2.*

*Ad Gal. 2. v. 11.*

*Sanè reprehensibiles sunt, qui in Scotum (quem fortè numquam vel à limine salutarunt, vel proprijs oculis inspexerunt, vel saltem in manus assumpserunt) invehuntur, cum ferè omnia Scoti ex D. Augustino sunt hausta. Equidem in solis quatuor libris sententiarum nonaginta & quinque sententias Sanctissimi Patris tueretur.*

*Quidni tueretur doctrinam, quam Romana sequitur & servat Ecclesia? Doctrinam, inquam, D. Augustini, de quo sanctissimo juxta ac doctissimo Praesule extat hoc Elogium: Quicumque de Christo, de fide, de Religione aliquid saperent, omnibus in ore erat Augustinus, ut nihil penè ex sacris litteris possit, nisi eo duce intelligi, nihil nisi eo interprete explicari. Eo jam Auctore factum, ut nec Philosophis sapientiam invidemus, non Oratorum eloquentiam desideremus, non studiosorum ingenia requiramus; non denique nobis acumen Aristotelis necessarium, non Platonis eloquentia, non auctoritas Pythagorae, non Empedoclis solertia,*



non cuiusque illius generis hominum scientia ac virtus documento esse debeat. Idem nobis Prophetarum oracula, idem Apostolorum voces refert, idem omnium Scripturarum sensum exprimit. Unus postremo omnium Patrum, Sapientiumque ingenia ac studia exhibet. Si veritatem quaritis, si doctrinam, si sapientiam, si pietatem, quis doctior, quis iustior, quis, ut ita dicam, sanctior Augustino? *Martinus Papa V. Serm. de Translatione S. Monica.*

*Nemo ergo miretur, si inhaerens vestigijs Magistri mei, frequentius recito verba sanctissimi juxta ac doctissimi hujus Praesulis; verba, inquam, prorsus invariata, non alienis, sed proprijs oculis inspecta. Quod etiam observandum duxi in alijs Sanctis Patribus, Scripturis sacris & OEcumenicis Concilijs, immo Auctoribus Scholasticis, ex quorum verbis pro magna parte hoc opus contexui: verbum, dico iterum, plerumque invariatis, ne, ut sapius aliquibus contingit, immutando verba, immutarem sensum, & quod illi clarè dixerant, obscurè referrem, ac quasi propria statuerem, quae verè erant aliena. Laborem examina, corrige & vale.*



FACULTAS